

RREGULLORE ADMINISTRATIVE
e Ofrimit të Kursit të Trajnimit 30 ditor
“Bazat e didaktikës në AFP”

1. Bazuar në Nenin 61 të Udhëzimit të Ministrisë së Financave dhe Ekonomisë Nr.14, date 27.05.2021, pjesëmarrja në Kursin e trajnimit “Bazat e didaktikës në AFP” është e detyruar.
2. Të drejtën e pjesëmarrjes në Trajnim e kanë të gjithë mësimdhënësit që janë përcaktuar në listën që Agjencia Kombëtare për Punësim dhe Aftësi (AKPA) i dërgon zyrtarisht AKAFPK-së përparr çdo trajinimi.
3. Bazuar në listat e pjesmarrësve të dërguara nga AKPA, AKAFPK harton Listën e pjesmarrëve në çdo Trajnim dhe Rregjistrin e Trajnimit.
4. Ndryshimet e mundëshme në Listën e pjesmarrëve në trajnim bëhen vetëm nga AKAFPK, pas kërkesës me shkrim nga AKPA.
5. Kursi i Trajnimit “Bazat e didaktikës në AFP” do të ofrohet kryesisht fundjavave në periudhën 01 mars 2024 – 15 korrik 2024.
6. Frekuentimi i çdo dite trajnimi është i detyruar. Drejtuesit e ofruesve të AFP njoftohen nga AKAFPK për frekuentimin e pjesmarrësve, për efekt rimbursimi të shpenzimeve të mbuluara nga buxheti i shkollës.
7. Mungesat me arësyte në ditë/module trajnimi të veçanta evidentohen në Rregjistrin e trajnimit dhe duhet të zëvendësohen nëpërmjet pjesëmarrjes në këto ditë/module, në trajnimet e ardhëshme.
8. Pjesmarrësi që ka mbi 20% mungesa në trajnim, nuk futet në provimet përfundimtare (teorike dhe praktike), por i jepet mundësia të zëvendësojë seancat e munguara në trajnimet pasardhëse. Në këtë rast duhet të njoftojë paraprakisht AKAFPK në lidhje me gadishmërinë për të bërë zëvendësimin.
9. Trajnerët e kursit nuk kanë të drejtë të japid leje për pjesmarrësit, me përjashtim të rasteve të veçanta, por jo më shumë se një seancë.
10. Numri i pjesëmarrësve në një grup trajnimi duhet të jetë jo më shumë se 25 (njëzetepesë) persona, në të kundërt ata ndahen në dy ose më shumë grupe, në varësi të numrit të tyre në lista.
11. Kur Trajnim i realizohet paralelisht për dy grupe mësimdhënësish, listat e grupeve hartohen nga AKAFPK dhe kjo evidentohet në Rregjistrat e trajnimit.
12. Pjesmarrësit dhe trajnerët nuk kanë të drejtë të bëjnë ndryshime në Rregjistrat e trajnimit dhe të ndryshojnë pjesëmarrjen në grupe.
13. Pjesmarrësit dhe trajnerët duhet të zbatojnë me korrekësi oraret e përcaktuara në axhendat e trajnimit.
14. Gjatë seancave të trajnimit ndalohet përdorimi i aparateve telefonikë (celularë).